

O'zbekiston Respublikasi Prezidentining 2018 yil 14 maydagi "O'zbekiston Respublikasi Qurolli Kuchlari harbiylari va ularning oila a'zolarini ijtimoiy qo'llab-quvvatlashga oid qo'shimcha chora-tadbirlar to'g'risida"gi PQ-3726-sonli qarori haqida

O'zbekiston Respublikasi Prezidentining 2018 yil 14 maydagi "O'zbekiston Respublikasi Qurolli Kuchlari harbiylari va ularning oila a'zolarini ijtimoiy qo'llab-quvvatlashga oid qo'shimcha chora-tadbirlar to'g'risida"gi PQ-3726-sonli qarori ijrosini ta'minlash maqsadida,

Qoraqalpog'iston Respublikasi Vazirlar Kengashi **QAROR QILADI:**

1. O'zbekiston Respublikasi Prezidentining 2018 yil 14 maydagi "O'zbekiston Respublikasi Qurolli Kuchlari harbiylari va ularning oila a'zolarini ijtimoiy qo'llab-quvvatlashga oid qo'shimcha chora-tadbirlar to'g'risida"gi PQ-3726-sonli qarori ijro uchun rahbarlikka olinsin.

2. O'zbekiston Respublikasi Prezidentining mazkur qarori bilan:

a) 2018/2019 o'quv yilidan boshlab O'zbekiston Respublikasi Qurolli Kuchlari tarkibiga kiruvchi vazirliklar va idoralarning xizmatdagi ofitserlar, shartnoma bo'yicha xizmat qilayotgan serjantlar va oddiy askarlar tarkibi (keyingi o'rinlarda - vazirlik va idoralar) farzandlari uchun:

respublika oliy ta'lim muassasalari davlat granti asosida oliy ta'lim muassasalariga umumiy belgilangan qabul ko'rsatkichlari kvotasidan tashqari;

harbiy oliy ta'lim muassasalariga kursantlarning umumiy qabul sonidan bakalavriyatga qabul qilishning besh foizli kvotasi ajratilishi (ikkinchi va undan keyingi oliy ta'limdan tashqari);

b) mazkur qarorning 1-bandiga muvofiq respublikaning oliy ta'lim muassasalari va oliy harbiy ta'lim muassasalariga (keyingi o'rinlarda - ta'lim muassasalari) kvota asosida kirish hamda davlat granti asosida ta'lim olish huquqi mamlakatning mudofaa qudratini mustahkamlashga salmoqli hissa qo'shgan, xizmatdagi harbiy va ilmiy faoliyatda ma'lum bir natijalarga erishgan va tegishli vazirliklar va idoralarning tavsiyanomalariga ega bo'lgan xizmatdagi ofitserlar, shartnoma bo'yicha xizmat qilayotgan serjantlar va oddiy askarlarning (keyingi o'rinlarda - harbiy xizmatchilar) farzandlariga berilishi;

ajratilgan besh foizli kvota chegarasida harbiy xizmatchilarning farzandlarini qabul qilish tanlov asosida amalga oshiriladi hamda joylar O'zbekiston Respublikasi Vazirlar Mahkamasi huzuridagi Davlat test markazi tomonidan o'tkaziladigan test sinovlari natijasi bo'yicha to'plangan ballardan kelib chiqqan holda, navbatdagi ketma-ketlik tartibiga muvofiq taqsimlanishi;

oliy ta'lim muassasalariga farzandlari o'qishga kirishi uchun harbiy xizmatchilarga beriladigan tavsiyanomalar, tavsiyanomalarni berish to'g'risidagi qabul qilinadigan qarorlarning xolisligi yuzasidan shaxsiy javobgarlik yuklanadigan, harbiy xizmatchilarning (boshliqlarning) bevosita komandirlarining iltimosnomalari asosida tegishli vazirlik va idoralar tomonidan berilishi;

tavsiyanomalar farzandlarning oliy ta'lim muassasasiga bir marta kirishi uchun uch yildan oshmaydigan muddatga berilishi;

abituriyentda tegishli vazirlik va idora tomonidan berilgan tavsiyanomaning mavjudligi holatida, shuningdek, muddatli harbiy xizmat nihoyasiga etgandan keyin harbiy qismning qumondonligi tomonidan, muddatli harbiy xizmat muddati tugaganidan so'ng harbiy qism qumondonligi tomonidan berilgan, tavsiyanomada nazarda tutilgan ko'shimcha yig'ilgan ballarni hisobga olgan holda, uni o'qishga qabul qilish O'zbekiston Respublikasi Vazirlar Mahkamasi huzuridagi Davlat test markazi tomonidan o'tkaziladigan test sinovlari natijasi bo'yicha tanlov asosida amalga oshirilishi;

tavsiyanoma blanklari qat'iy hisobot hujjati hisoblanishi, hisobga olish seriyasi, raqami va himoyalani darajasiga ega bo'lib, "Davlat belgisi" davlat ishlab chiqarish birlashmasida tayyorlanishi belgilab qo'yilganligi;

v) O'zbekiston Respublikasi Qurolli Kuchlari tarkibiga kiruvchi vazirliklar va idoralar o'rtasida oliy ta'lim muassasalariga besh foizli qabul kvotasining umumiy har yili taqsimlanadigan joylari quyidagi nisbatda taqsimlanganligi:

Mudofaa vazirligi - 44 foiz;

Ichki ishlar vazirligi - 10 foiz;

Favqulodda vaziyatlar vazirligi - 3 foiz;

Axborot texnologiyalari va kommunikatsiyalarini rivojlantirish vazirligi - 1 foiz;

Davlat xavfsizlik xizmati - 30 foiz;

Milliy gvardiya - 10 foiz;

O'zbekiston Respublikasi Prezidentining davlat xavfsizlik xizmati 2 foiz.

g) 2018/2019 o`quv yilidan boshlab Qurolli Kuchlari tarkibiga kiruvchi vazirlik va idoralarning ofitserlari, shartnoma bo`yicha xizmat qilayotgan serjantlar va oddiy askarlar tarkibidagi, harbiy xizmatni o`tashda halok bo`lgan, shuningdek, harbiy xizmatni o`tashda yarador bo`lgan, kontuziya, shikast olish natijasida nogiron bo`lib qolgan yoki kasalliklarga duchor bo`lgan harbiy xizmatchilarning farzandlari vazirliklar yoki idoralarning tegishli tavsiyanomalari asosida belgilangan qabul kvotalaridan tashqari davlat granti asosida oliy ta`lim muassasalarining bakalavriyatiga (ikkinchi va undan keyingi oliy ta`limdan tashqari) tanlovsiz qabul qilinishi belgilab qo`yilganligi;

d) vazirliklar va idoralarga 2018/2019 o`quv yillaridan oldin to`lov-shartnoma asosida oliy ta`lim muassasalarining bakalavriyatlariga o`qishga kirgan, harbiy xizmat vazifalarini bajarish chog`ida haloq bo`lgan ofitserlar, shartnoma bo`yicha xizmat qilayotgan serjantlar va oddiy askarlarning farzandlari uchun byudjetdan tashqari mablag`lar hisobidan shartnomalarni to`lashga ruxsat etilganligi;

e) O`zbekiston Respublikasi Mudofaa vazirligi Oliy va o`rta maxsus ta`lim vazirligi boshqa manfaatdor vazirliklar va idoralar bilan birgalikda:

ikki hafta muddatda O`zbekiston Respublikasi Qurolli Kuchlari harbiylari farzandlarini kvota asosida respublikaning oliy ta`lim muassasalariga o`qishga kirishi uchun tavsiyanomalarni berish tartibi to`g`risidagi Nizom loyihagini O`zbekiston Respublikasi Vazirlar Mahkamasiga kiritish;

qonun hujjatlariga ushbu qarordan kelib chiqadigan o`zgartish va qo`shimchalar to`g`risida O`zbekiston Respublikasi Vazirlar Mahkamasiga takliflar kiritish;

o`zlari qabul qilgan normativ-huquqiy hujjatlarni ushbu qarorga muvofiqlashtirish topshirilganligi ma`lumot uchun qabul qilinsin.

3. Vazirliklar, idoralar, tumanlar va Nukus shahar hokimliklari o`zlari qabul qilgan normativ-huquqiy hujjatlarni ushbu qarorga muvofiqlashtirsinlar.

4. Mazkur qarorning ijrosini nazorat qilish Qoraqalpog`iston Respublikasi Vazirlar Kengashi Raisining o`rinbosari M.Jumanov zimmasiga yuklatilsin.

**Qoraqalpog`iston Respublikasi
Vazirlar Kengashining Raisi**

Q.Sariev

Ko`rib chiqildi:

- 
- 
- 

[Vazirlar Kengashi](#) [Statistik va tahliliy ma'lumotlar](#)
[Vazirliklar va idoralar](#) [Shahar va tuman hokimliklari](#)
[Hujjatlar](#) [Respublika mehmonlariga](#) [Elektron hukumat](#) [Interaktiv davlat xizmatlar](#)